

Lêer verw/
File ref: 15/3/10-2/Erf_1437

Navrae/Enquiries:
Mnr AJ Burger

15 Desember 2015

R & BM Theunissen
Edwardweg 1437
CHATSWORTH
7354

Per Geregistreerde Pos

Meneer/ Dame

VOORGESTELDE VERGUNNINGSGEBRUIK OP ERF 1437, CHATSWORTH

U aansoek ontvang op 11 November 2015 rakende die onderwerp het betrekking.

Uit hoofde van die bevoegdheid wat ingevolge Raadsbesluit 7.25 gedateer 13 Mei 2015 aan die Direkteur: Ontwikkelingsdienste gedelegeer is, soos bepaal deur artikel 69(1) van Swartland Munisipaliteit se Verordening insake Grondgebruiksbeplanning (PG 7420 van 3 Julie 2015) word die aansoek vir 'n vergunningsgebruik vir 'n huiswinkel op erf 1437, Chatsworth ingevolge Artikel 60 van die Swartland Munisipaliteit se Verordening insake Grondgebruiksbeplanning (PG 7420 van 3 Julie 2015), goedgekeur onderhewig aan die volgende voorwaardes:

1. STADSBEPLANNING EN BOUBEHEER

- a) dat die grootte van die huiswinkel tot $\pm 9\text{m}^2$ soos voorgehou in hierdie aansoek beperk word;
- b) dat die goedkeuring vir die bedryf van die huiswinkel aan die eienaars van erf 1437 (R & BM Theunissen) toegestaan word en is hierdie goedkeuring nie oordraagbaar nie;
- c) dat die nodige bouplanne aan die Direkteur: Ontwikkelingsdienste vir oorweging voorgelê word;
- d) dat die nodige aansoek om oprigting van advertensietekens aan die Direkteur: Ontwikkelingsdienste vir oorweging voorgelê word. Dat slegs een teken wat nie groter as 1m^2 in oppervlakte is nie en wat aan die muur van die woonhuis of buitegebou vas is, toegelaat sal word, en geen gedeelte daarvan mag die erfgrense oorskry nie terwyl die teken slegs die naam van die eienaar, naam van die besigheid en aard van die kleinhandelbesigheid mag aandui;
- e) dat nie meer as drie persone, insluitend die bewoner van die woonhuis, by die sake-aktiwiteite van die huiswinkel op die grondeenheid betrokke mag wees nie;
- f) dat die huiswinkel nie onderverhuur mag word nie;
- g) dat die nodige maatreëls getref moet word in die voorkoming van knaagdiere en insekte;

Redes vir goedkeuring

- Die aansoek is versoenbaar met die ruimtelike beplanning van Chatsworth.
- Die aansoek voldoen aan die soneringsparameters soos van toepassing op huiswinkels.
- Die skriftelike goedkeuring van alle omliggende/affekteerde eienaars is verkry.
- Die aansoek voldoen aan die beginsels vir grondgebruiksbeplanning van die Wes-Kaapse Wet op Grondgebruiksbeplanning, 2014 (Wet no 3 van 2014).